

## A PROSA NA POSGUERRA.

### OS RENOVADORES DA PROSA (FOLE, BLANCO AMOR, CUNQUEIRO )

A Guerra Civil supuxo unha ruptura co impulso que a Xeración Nós lle dera á narrativa en lingua galega. O centro de actividade literaria desprázase ao exilio. Ata a segunda década da posguerra non se rexistra ningún título de novelas, libros de relatos etc en galego e publicados en Galicia. A primeira novela publicada na posguerra foi A xente da Barreira (1951) de Ricardo Carballo Calero.

Ata ben entrada a década de 1960 non se pode falar de tendencias, con todo pódese facer a seguinte clasificación:

#### 1. Obras continuadoras da prosa da Xeración Nós.

Inclúese aquí A xente da Barreira (1951) de Ricardo Carballo Calero que narra a vida de varias xeracións dunha familia fidalga e Otero Pedrayo retoma o seu labor con obras como Entre a vendima e a castañeira (1957) e O señorito de Reboraina ( 1960).

#### 2. Obras que pertencen ao :

a. **Realismo social**, narrativa comprometida coa denuncia da situación pola que pasa a Galicia da época, representada por Eduardo Blanco Amor coa novela A esmorga. (1959).

b. **Realismo fantástico**, representado pola obra de A. Cunqueiro. Trátase dunha literatura que mistura elementos culturalistas de orixe árabe (Simbad), greco-latina (Orestes) ou nórdica (Merlín) con recursos do mundo popular, de realidade cotiá e fantasía desbordada.

c. **Realismo popular**, representado por Anxel Fole coa súa obra Á lus do candil. Esta é unha narrativa con textos construídos sobre a técnica do conto tradicional oral.

d. **Realismo rural**, representado por obras de Xosé Neira Vilas.

No tocante á poesía desde 1936 a 1975, Galicia viviu as consecuencias sociais, económicas, políticas e culturais derivadas da Ditadura franquista. Ata mediados dos 50 a sociedade vive unha situación de estancamento e retroceso.

A poesía sofre unha paralización despois da Guerra Civil, non se pode falar de recuperación lírica ata ben entrada a década dos 50. A actividade cultural continuada só é posible no exilio. Dentro de Galicia comeza unha tímida recuperación a partir de 1947, coa publicación de Cómaros verdes de Aquilino Iglesia Alvariño. No 1949 sae en Pontevedra a Colección **Benito Soto** e no ano seguinte, constitúese a Editorial **Galaxia**, que abre o camiño para novas editoras en galego.

Mentres que no exilio destacaba a poesía socialrealista, en Galicia predominaba a poesía intimista e esteticista cun desexo de fuxir da realidade.

As obras de poesía deste momento pódense encadrar en tres xeracións diferentes:

### Eduardo Blanco Amor (Neorrealismo narrativo)

- Biografía:

- Ourense (1900) - Vigo (1979)
- Emigra de mozo á Arxentina. Corresponsal da prensa bonaerense para España.
- Contacta coa xeración do 27. Coñeceu e tratou a xente como Borges ou Alberti.
- Corrixe e prologa os “Seis poemas galegos” de García Lorca.
- Colaborou en “Nós” con tres capítulos da novela inacabada “A escadeira de

Xacob”.

A súa narrativa caracterízase polo seguinte:

- **caracterización realista da sociedade galega** de principios de século: clase traballadora e formación do sindicalismo ( **Xente ao lonxe** ) e a vida marxinal e de suburbio da cidade de Ourense ( **A esmorga**).
- **narración en 1º persoa**: feitos autobiográficos como recordos da infancia en **Xente ao lonxe** e a técnica do narrador editor- investigador que indica que os feitos contados sucederon moitos atrás e foron investigados polo propio autor ( **A esmorga**).
- **presenza do mundo infantil** onde nenos e adolescentes son os protagonistas, que narran a historia cunha visión inxenua e inocente ( **Xente ao lonxe**, 1972 e **Os biosbardos**, 1962 ).

**A esmorga** supón a renovación temática e formal da narrativa galega de posguerra. Cibrán relata diante do xuíz as últimas 24 horas de esmorga por Auria en compañía do Bocas e Milhomes.

As características principais son:

- **espazo urbano suburbial**: Blanco Amor incorpora á literatura galega un estrato social baixo que converte en protagonista.
- **emprego de linguaxe coloquial**.
- **drama interior do protagonista**, Cibrán, o narrador- protagonista, cuestionase entre o que fai el e os seus compañeiros.
- **importancia da chuvia** persistente ao longo de toda a novela, que fai que Cibrán non vaia traballar á obra e obriga aos protagonistas ao consumo de alcohol, feito que desencadea a violencia.
- **técnica narrativa innovadora**, “a técnica telefónica”, só aparece a única voz de Cibrán que responde ás preguntas que lle fai o xuíz e que non aparecen no texto por formularse en castelán con toda seguridade.

**Xente ao lonxe** é a historia da familia Vilar narrada en 1º persoa por Suso, o fillo, e por outros narradores ( multiperspectivismo ou varias perspectivas), como a súa irmá Evanxelina, que reflicte o importante papel da muller na obra. É unha radiografía de Ourense (Auria ) de principios de século centrada no movemento da clase obreira e sindical.

- Poesía:

- “Romances galegos” (1928)
- “Poema en catro tempos” (1931), a modo de canto elexíaco pola morte duns mariñeiros.
- “Cancioneiro” (1951)

- Teatro:

- “Farsa para títeres”, a mestura do trágico e o cómico lembran ós esperpentos de Valle Inclán.
- “Teatro pra xente”, catro obras e tres contos escénicos na liña dos anteriores.

## **ANXEL FOLE( LUGO 1903-1986)**

A súa obra narrativa parte da tradición oral popular do sur de Lugo e está constituída por:

**Á lus do candil** composto por 15 contos, narrados polas noites, en que 4 fidalgos e os seus criados quedan illados pola neve. A súa obra “Terra brava”, recorre de novo o recurso de incluír os contos dentro do conto principal. Outros títulos: “Contos de néboa”, “Historias que ninguén cre”, nos que continúa cos esquemas anteriores.

En canto a técnica é partidario de conservar ao máximo a aparencia oral do relato escrito; coa lingua fai o mesmo, xa que procura transcribir o galego propio da zona., **Contos ao carón do lume** (1953) e **Terra brava** (1955) , libros de relatos ambientados nas montañas de Lugo, que reflicten a realidade do pobo galego de montaña e escritos coa lingua que alí se fala. Seguen a técnica dos contos populares, tradicionais, Os temas tamén son tradicionais: contos de lobos, de aparecidos e premonicións da morte; de lendas populares (a Santa Compañía...) combinados con sentido do humor e explicados pola lóxica.

Tamén ten relatos de ambientación urbana: **Contos da néboa** (1973) e **Historias que ninguén cre** (1981).

## Álvaro Cunqueiro (O mundo máxico)

### - Biografía:

- Mondoñedo (1911) - Vigo (1981)
- Colabora nas revistas “Nós” e “Yunque”.
- Dirixiu durante varios anos “El Faro de Vigo”
- Doutor “honoris causa”, pouco tempo antes de morrer.
- É un dos escritores máis complexos e polifacéticos da literatura galega ( poesía, narrativa e teatro).

### - Poética:

Características:

- afán rupturista
- conecta coas vangardas
- poemas neopopulistas e neotrovadoristas
- Funde a forma da cantiga de amigo coas imaxes das vangardas
- **Mar ao norte** (1932), vangardista; o seu primeiro libro. Consta de poemas breves que xiran ao redor da temática marítima e nos que se aprecian imaxes cubistas, que nace como unha homenaxe a Manuel Antonio.
- **Poemas do si e non**, surrealismo
- **Cantiga nova que se chama Ribeira**, vangardismo, neopopulismo, neotrovador.
- **Dona de corpo delgado**, poesía de corte clásico e liña neotrovadoresca
- **Herba de aquí e acolá**, aborda os temas transcendentais do ser humano. Recrea mitos lendarios, personaxes históricos e figuras da literatura universal e reflexiona sobre o paso do tempo, os cambios e a morte.

### - Narrativa:

Características:

- Alarde de imaxinación..
- Lirismo e humor.
- Mestura da realidade cotiá coa fantasía e o mundo dos sonhos ( realismo máxico ou fantástico).
- Mestura de elementos de tradición galega con ambientes exóticos.
- Estructura narrativa baseada en relatos curtos, relacionados entre si mediante un elemento unificador.
- avoga por unha autonomía absoluta da arte
- xoga coas palabras, temas e técnicas, sen outra preocupación que as estritamente literarias.
- Paisaxe liricamente galeguizada e ligada ó ser humano
- Estructura narrativa: carácter radial dun personaxe principal arredor do que xiran os episodios
- Nivel formal: preciosismo estético, inzado de sesorialismo e de imaxes.
- Estilo arcaizante e popular que conecta coa narrativa medieval e o estilo oral dos contos populares.

1. **Tres novelas**, son historias contadas por un narrador-testemuña:

**Merlín e familia** (1955), está formado por unha serie de episodios que xiran ao redor do mago Merlín, que vive retirado xunto coa raíña Xenebra e o seu criado Felipe de Amancia en terras de Miranda, na comarca de Mondoñedo. A historia está narrada desde a vellez de Felipe relatando as visitas de estraños personaxes ao mago buscando solución dun problema de carácter máxico.

**As crónicas do Sochantre** (1956), está ambientada na Bretaña francesa e conta a historia do sochantre (sacerdote encargado de dirixir o coro que canta nos oficios relixiosos) de Pontivy que é requerido para tocar no enterro dun fidalgo.

**Se o vello Sinbad vólvese ás illas** (1961), conta a historia de Sinbad que, xa vello, decide facerse de novo ao mar para demostrar que as súas historias son certas, pero esta aventura lévao a recluírse no mundo dos soños.

Nas tres hai unha mesma estrutura: unha técnica de relato dentro do relato, ou relatos sucesivos cun débil fío argumental. En todas elas se mistura o mundo real e lendario, o autor bota man do humor e ironía e narra ao xeito do relato oral. O espazo está fóra da realidade e o fantástico aparece como algo propio e cotiá.

2. **Trioloxía de relatos galegos:** **Escola de menciñeiros** (1960), **Xente de aquí e de acolá**(1971) e **Os outros feirantes** (1979).

Estas obras empregan a técnica do relato contado e presentan personaxes do mundo imaxinario galego ( meigas, ananos...) e do mundo rural ou vilego aínda que ás veces as súas aventuras sexan de natureza fantástica. Son semblanzas de personaxes reais ou imaxinarios, a través dos que amosa aspectos da psicoloxía do home galego e da mitoloxía popular.